

INUIT ATAQATIGIIT

Inatsisartuni



UPA 2017/26
23.05.2017
Peter Olsen

Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2017-imeersoq

(Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu allanut Naalakkersuisoq)

Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu allanut Naalakkersuisup inatsisissatut siunnersuutaanut qulaani pineqartumut qujalluta, matumuuna Inuit Ataqatigiinniit imatut oqaaseqassagut.

Inuit Ataqatigiit sanaartorerup iluani praktikkerfiusinnaasut suulluunniit sumiluunniillu amerlanerpaajuaannarnissaat oqariartuutigiuartarsimavarput.

Praktikkerfissaaleqinermit akiuniarnermut Inuit Ataqatigiit peqataarusuppugut suleqataarusuppugullu.

Naluneqanngitsutut ippassaaninguaakkunni inatsisartunut ilaasortap Bendt B. Kristiansenip siunnersuutaa uunga massakkut oqaluuserisatsinnut assingusoq oqaluuseraarput.

Bendt B. Kristiansen ilumoorpoq, oqarami ukiuni kingullerni sanaartorerup iluani, ilinniartunngorusulluni suliffeqarfanni sungiusarfissaaleqinerujussuup iliuuseqarfigineqarnissaa pillugu oqallinneq annertungaatsiarsimasoq, taamaattorli aamma iliuuseqarfigineqarpiarsimanngitsoq.

Naatsumik oqaatigalugu Bendt B. Kristiansen ilumoorpoq oqarami suliffeqarfanni sungiusarfissaaleqinerujussuaq annertuallarujuusuartoq piffissanngortorlu tamatuma iliuuseqarfigineqarnissaa.

Sanaartornermi ilinniarfiup Sisimiuniittup aamma tamanna uppersarsinaavaa. Sanaartornermut ilinniarfiup takusassiatut saqqummiussimasaani takuneqarsinnaavoq ukiuni kingullerni sungiusarfissaaleqinerup qanoq ineriartorsimanera. Takussutissiami takuneqarsinnaavoq suliffeqarfiit sungiusartussanik tiguisarnerat ukiuni kingullerni annikilligaluttuinnarsisoq.

Assersuutigalugu takussutissiami takuneqarsinnaavoq 2008-miit 2012-mut ilinniartut 80-it sungiusartussatut tiguneqarsimapput, ukiunili kingullerni kisitsit apparaluttuinnarsimapput, allaat 2017-mi ilinniartut sungiusartussatut tiguneqarsimasut taamaallaat 32-innaasut.

Aali sungisarfissaaleqineq pillugu akiuniarsarisugut, killormulluinnarli ingerlasoqarpoq. Tamanna ajorpoq uggornarpoq akuerineqarsinnanangilarlu.

Bendt B. Kristiansenip praktikkerfissanik amerlisaanissamik siunnersuuteqarnermigut tamanna allangortikkusuppa. Uagullu siunnersuut tamanna taperserlugu akuersaarlugu ingerlateqqissimavarput.

Nassuerutigissavarput una Naalakkersuisut massakut inatsisissatut siunnersuutaat praktikkerarnermut tunngasoq, uagut taamatut isikkoqartillugu ajoraluartumik akuerisinnaangilarput, peqqutaasut assigiinngitsut pingasut pissutigalugit:

1. Kalaallit nunaanni inuutissarsiutinut ilinniartoqarfiit aallartitaasa pingaarutilinnik upaaruaateqarsimanagerat pissutigalugu
2. Inatsiseqarnermut ingerlatsivitsinniit uparuaatit uatsinnut nassiunneqarsimasut pingaaruteqarluinnartullu qulaajaavigineqarsinnaaniassammata.
3. Ukiamut aatsaat aappassaaneernejartussaammata, ataatsimiititaliamut ingerlateqqipparput, neriulluta aappassaaneernejanginnermini uparuaatit qulaani pineqartut qulaajarneqarsimasasut naatsersuutigigatsigu.

Uparuaataasimasut ilaatigut makkunannga oqaasertalersorneqarsimapput:

- Qassinik Praktikkertussanik tiguisinnaanermut tunngasoq qasukkarneqarsimasutut pasillerneqarpoq. Ilumut praktikkerfiusinnaasut ikilisarniarneqarpat?
- Pisortaqaarfiit akornanni ataqatigiissaarisooqarsimagunanngitsoq pasitsaassutigineqarpoq?
- Kisitsisit apeqquserneqarput aningaasartuutaasinnaasut amerlanerusinnaanerat aarleqqutigineqarluni (praktikkertunut aningaasartuutigineqartut eqqarsaatigalugit)
- Paatsuungassutigineqarpoq ilumut namminersorlutik suliffeqarfiutillit praktikkerussaminik tiguseqqullugit piunaffigineqarsinnaajunnaarsimanersut?

Aalleqqutit tamakku anguniakkatsinnut akerliusut tusaanngitsuusaarsinnaanngilagut

Taamattumik apeqqutit paatsuungassutsillu qulaani pineqartut qulaajarsinnaajumallutigit, killormullu ingerlasoqalinnginnissaa pinaveersaarumallutigu naalakkersuisut siunnersuutaat taama isikkoqartillugu itigartipparput. Illuatungaatigulli....

Taamakkaluartoq; inatsisissatut siunnersuut praktikkerfissaaruttartunut tamatsinnullumi pingaaruteqarluinnartuummat, kiviinnarumanatigu; Apeqqutit paatsuungassutsillu qulaani pineqartut qulaajarneqarsinnaaqqullugit, Bendt B. Kristiansenillu siunnersuutaalu ataatsimoortilugit ataqatiiisillugillu suliarineqarsinnaaqqullugit, inatsisissatut siunnersuut ataatsimiititaliamut susasaqartumut suliareqqitassanngorlugu ingerlateqqipparput.

Qujanaq

Peter Olsen